

Broj: 01 - 05 - 1 - 38 - 2700 /2023
Sarajevo, 29.08. 2023. godine

PRIMLJENO:	3	AUG. 2023	
Org. jed.	broj	PRIMIO	VIJEĆAR
01-GV-02-1079-1-1.1.0			

Gradsko vijeće Grada Sarajeva

Hamdije Kreševljakovića 3

71 000 Sarajevo

Bosna i Hercegovina

N/r Jasmin Ademović, Predsjedavajući Gradskog vijeća

Predmet: Odgovor na dostavu Inicijative Gradskog vijeća Grada Sarajeva sa 30. sjednice

Veza: Vaš akt broj 01-GV-04-1079-1.1.1/23 od 26.7.2023. godine

Poštovani,

Fond za zaštitu okoliša Federacije BiH (u daljem tekstu: Fond) je dana 07.8.2023. godine zaprimio Inicijativu Gradskog vijeća podržanu na 30. sjednici (broj 01-GV-04-1079-1.1.1/23 od 26.7.2023. godine), a koju je prvobitno u vidu Zaključka sa 27. sjednice održane 13.7.2023. godine (broj 04-GV-04-1079-1.1/23) usvojio Odbor za javne službe, infrastrukturu i javni saobraćaj Gradskog vijeća Grada Sarajeva.

Po pitanju „inicijative za formiranje posebnog budžetskog fonda u svakoj od budžetskih institucija, za realizaciju projekata proizašlih iz studije Čista rijeka Miljacka, a prema prioritetima“, Fond je jedna od institucija prepoznata s ciljem sagledavanja prioriternih mjera, bitnih aspekata u procesu razvoja i realizacije pojedinačnih projekata, davanja preporuka o svim aspektima pripreme i koordinarne realizacije pojedinih projekata, te modalitetima i mogućnostima finansiranja, a sve u cilju definiranja plana i realizacije projekata u dijelu koji se odnosi na sliv rijeke Miljacke, u skladu sa pojedinačnim nadležnostima svake od identificiranih institucija.

Kao odgovor na predmetnu inicijativu ovim putem Vas informiramo da Fond kao institucija Vlade Federacije koja je zadužena za prikupljanje finansijskih (vanbudžetskih) sredstava i distribuciju istih / sufinansiranje kapitalnih projekata od značaja za Federaciju BiH, u skladu sa strateškim ciljevima, te obavezama koje proizilaze iz zakonskih i internih procedura, u okviru programskih dokumenata može blagovremeno planirati prethodno razmatranu podršku realizaciji prioriternih aktivnosti identificiranih u okviru aktivnosti „Radne grupe za projekat Čista rijeka Miljacka“ (u daljem tekstu: Radna grupa) na temelju jednog od dva zakonski moguća mehanizma podrške ovom tipu programskih aktivnosti, tačnije na osnovu:

- 1. Odluke/Zaključka Vlade FBiH, koja kao preduslov treba imati prethodno definirane:**
 - o uloge implementacionih i finansijskih partnera projekta,
 - o instituciju koja će imati ulogu nosioca aktivnosti/projekta,
 - o aktivnosti projekta,
 - o ukupan iznos potreban za realizaciju aktivnosti/projekta,
 - o iznos sredstava sa kojim se Fond uključuje u sufinansiranje projektnih aktivnosti, kao i
 - o druge elemente neophodne za realizaciju aktivnosti/projekta odnosno provođenja Odluke/Zaključka,

ili

- 2. Prijave projekta na javni konkurs za dodjelu sredstava Fonda, ali za što je, također, potrebno ispunjavanje prethodno pomenutih preduslova, kao i ostalih zahtjeva definisanih JK.**

Ističemo da je Fond u skladu sa Zakonom o Fondu, odgovoran za poticanje i finansiranje pripreme, provedbe i razvoj programa, projekata i sličnih aktivnosti iz područja očuvanja, održivog korištenja, zaštite i unapređenja stanja okoliša, u svrhu približavanja ciljevima definisanim važećim strateškim dokumentima iz oblasti zaštite okoliša i energijske efikasnosti u FBiH i postizanju sistemskog i cjelovitog očuvanja kvaliteta svih komponenti okoliša, očuvanja prirodnih zajednica i racionalnog korištenja prirodnih dobara i energije kao osnovnih uvjeta održivog razvoja, a u cilju postizanja osnovnog prava građana na čist i zdrav okoliš.

Stoga će, u skladu sa aktivnostima u okviru Radne grupe, raspoloživi mehanizmi saradnje u svrhu pravovremenog planiranja sredstava za realizaciju projekta, biti iskomunicirani, a Fond je na raspolaganju za pružanje neophodne tehničke i stručne pomoći, kako prilikom planiranja, tako i u cilju uspješne realizacije pojedinačnih aktivnosti ovog strateški važnog projekta/programa za Kanton Sarajevo, ali i za Federaciju BiH.

S poštovanjem,

Direktor



Esad Humo

Dostaviti:

- Naslovu,
- A/a.